



史書大紀

將

王全斌

吳玠

阿里海

周法尚

拖雷

王孝恭

周瑜

呂蒙

吳璘

孟珙

來阿八杰

余玠

于謹

張遼

孫遜

羊祐

王全斌并州太原人事莊宗累歷內職同光國有內難兵

入宮城近臣宿將皆棄甲遁去惟全斌與苻彥卿等十數

人居中拒戰莊宗中流矢扶掖至絳霄殿全斌慟哭而去

晉初從侯益破張從賓于汜水以功遷護聖指揮使周顯

中德從向訓平秦鳳遂領息州團練使從世宗平淮南復瓦

橋關改相州省後宋初李筠以潞州叛全斌與慕容延釗

由東路會大軍進討以功拜安國軍節度詔令完葺西山

堡寨不踰時而就建隆四年與洺州防禦使郭進等率兵入太

原境俘數千人以歸進克樂平乾德二年詔伐蜀命全斌為西

川行營前軍都部署率禁軍步騎二萬諸州兵萬人由

鳳州路進討召示川陝地圖授以方略十一率兵拔虜渠渡萬仞燕子二砦遂下興州蜀刺史藍思綰退保西縣敗蜀軍七千人獲軍糧四十餘萬斛進軍石圖魚關白水二十餘砦先鋒史延德進軍三泉敗蜀軍數萬餘擒討使韓保正獲糧三十餘萬獲既而崔彥進康延澤等逐蜀軍過三泉遂至嘉陵殺虜甚衆蜀人斷閣道軍不能進全斌議取羅川路以入延澤潛謂彥進曰羅川路險軍難並進不如分兵治閣道與大軍會于深渡彥進以白奎斌然之命彥進延澤督治閣道數日成遂進擊全山砦破漫天砦全斌由羅川趣深渡與彥會蜀人依江列陣以待彥進遣張萬友等奪其橋會暮夜蜀人退保大漫天砦詰朝彥進延

澤萬友分三道擊之蜀人悉其精銳來逆戰又大破之乘勝拔其砦蜀將王審超監軍趙崇渥遁去復與三泉監軍劉延祚大將王昭遠趙崇韜引兵來戰三敗追至利州北昭遠遁去渡桔栢江焚梁退守劍門遂克利州得軍糧八十萬獲自利州趨劍門次益光全斌會諸將議曰劍門天險古稱一夫荷戈萬夫莫前諸宜各陳進取之策侍衛軍頭向韜曰降卒牟進言益光江東越大山數重有狹徑名來蘇蜀人于江西置砦對听有渡自此出劍關南二十里至清強店與大路合可于此進兵即劍關不足恃也全斌等即欲卷甲赴之康延澤曰來蘇細徑不須主帥親往且蜀人屢敗併兵退守劍門莫若諸帥協力進攻命一偏將

趨來蘇若達清強北擊劍門與大將夾攻破之必矣全斌
納其策命史延德分兵趨來蘇造浮梁于江上蜀人見梁
成棄砦而遁昭遠聞延德兵趨來蘇若至清即引兵退陣
于漢源坡留其偏將守劍門全斌等擊破之昭遠宗韜皆
遁走遣輕騎追獲傳送闕下遂克劍州殺蜀軍萬餘人
正月十日師次魏城孟昶遣使奉表而降全斌等入成都旬
三日餘劉延壽讓等自始峽路至初太祖將征西蜀以曹翰
刺均州澗谷深險翰令鑿石通道師旋以濟詔兼西南
諸州轉運使自石門徑趨歸州餉不乏夔萬入會王全
斌軍俄詔發蜀兵赴闕人給錢十千未行者加兩月廩食
斌等不即奉命由是蜀軍憤怒人思亂兩路隨軍使臣

常數十百人全斌彥進及王仁贍等各保庇之不令部送
蜀兵但分遣諸州牙校蜀軍至絳州果叛劫屬邑衆至十
餘萬蜀交州刺史全師雄者嘗為將有威惠士卒畏服適
以其族赴闕下綿州遇亂師雄恐為所脇乃匿其家於江
曲民舍後數日為亂兵所獲推為主帥全斌遣都監朱光
緒往撫之光緒盡滅師雄之族納其愛女橐裝師雄聞之
遂無歸志率衆急攻綿州為指揮使田紹斌所敗遂攻彭
州逐刺史王繼濤殺都監李德榮據其城成都十縣皆起
兵應師雄師雄自號興蜀大王開幕府置僚屬署節師二
十餘人今分據灌口道江郫新繁新城等縣彥進與張萬
友高彥暉田欽祚同討之為師雄所敗彥暉戰死欽祚僅

免賊衆益盛全斌又遣張延翰張煦往擊之不利退成都師雄分斷閣道緣江置砦聲言欲攻城都自是邛蜀眉雅東川果遂渝資簡昌普嘉戎滎陵十七州並隨師雄為亂郵傳不通者月餘全斌等甚懼時城中蜀兵尚餘二萬全斌慮其慮應賊與諸將謀誘致夾城盡殺之未幾劉延讓曹彬破師雄之衆於新繁俘萬於人師雄退保郫縣全斌仁贍又攻破之師雄走保灌口砦賊既衄餘黨散保州縣師雄病死于金堂推謝行本為主與賊將宋德威唐陶鼈據銅山旋為康延澤所破後丁德裕等分兵招討輯賊衆始息初成都平命叅知政事呂餘慶知府事全斌嘗與所親語曰我聞古之將帥多不能保全功名今西蜀既平欲

稱疾東歸庶免悔吝或曰今賊盜尚多非有詔旨不可輕去全斌猶豫未決會有訴全斌及彥進破蜀日奪民家子女不法等事與諸將同時召還太祖以全斌等初立功雖犯法不欲辱以獄吏但令中書問狀全斌等具狀令御史臺于朝堂集文武百官議其罪于是百官定議全斌等罪當大辟請准律處分乃下詔曰全斌等貪殘無厭殺戮非罪稽于偃革爾玩兵尚念前勞特此寬貸止停旄鉞猶委藩宣全斌責授崇軍節度觀察留後彥進責授昭化軍節度觀察留後仁贍責授右衛大將軍開寶末車駕幸洛陽郊祀召全斌侍祠以為武寧軍節度謂之曰朕以江左未平慮征南諸不遵紀律故抑卿數年為朕立法今已克金

陵還節鉞乃以銀器萬帛萬疋錢千萬賜之全斌至鎮數
月卒

吳玠字晉卿德順軍隴千人父塋永洛城因徙焉少沉毅
有志節知兵善騎射讀書能通大義未冠以良家子隸涇

原軍

中和政

夏人犯邊以功補進義副尉稍擢隊將從討方

臘破之

清康

夏人攻懷德軍玠以百餘騎追擊斬首百四

十級

建炎二

金人渡河出大慶關略秦雍謀趨涇原都統

制曲端守麻務鎮命玠為前鋒進據清溪嶺逆擊大破之
追奔三十里金人始有憚意權涇路兵馬都監金人攻延
安府經畧使王庶召曲端進兵端駐邠州不赴且曰不如
蕩其巢穴攻其必救端遂攻蒲城命玠攻華州拔之三年宣
撫使張浚巡關陝叅議軍事劉子羽誦吳玠兄弟才勇浚

與玠語大悅即授統制弟璘常掌帳前親兵四年陞涇原
路馬軍副總管金師婁宿與撒離唱長驅入關端遣玠拒
於彭原店而擁兵邠州為援金兵來攻玠擊敗之金人整
軍復戰玠軍敗績端退屯涇原劾玠違節度罷總管張浚
惜玠才尋以為秦鳳副總管兼知鳳翔府時兵火之餘玠
勞來安集民賴以生肌浚合五路欲與金人決戰玠言宜
各守要害湏其弊而乘之及次富平都統制又會諸將議
戰玠曰兵以利動今地勢不利未見其可宜擇高阜據之
使不可勝諸將皆曰我衆彼寡又前阻葦澤敵有騎不得
施何用他徒已而敵驟至輿柴囊土藉淖平行進薄玠營
軍遂大潰五路皆陷巴蜀大震玠收散保散關東和尚原

積粟繕兵列柵為死守計或謂玠宜退屯漢中扼蜀口以
安人心玠曰我保此敵決不敢越我而進堅壁臨之彼懼
吾躡其後是所以保蜀也玠在原上鳳翔民感其遺惠相
與夜輸芻粟助之玠償以銀帛民益喜輸者益多金人怒
伏兵渭河邀殺之且令保伍連坐民冒禁如故數年然後
止紹興元年金將沒立自鳳翔別將烏魯折合自階城出散關
約日會和尚原烏魯折合先期至陣北山索戰玠命諸將
堅陣待之更戰迭休山谷路狹多石馬不能行金人舍馬
步戰大敗移砦黃牛會大風雨電遂遁去沒立方攻箭箬
關玠復遣將擊退之兩軍終不得合始金人之入玠與璘
以散卒數千駐原上朝命隔絕人無固志有謀劫玠兄弟

北去者玠知之召諸將歃血盟誓勉以忠義將士皆感泣
願為用金人自起海角狃于常勝及與玠戰輒北憤甚謀
必取玠委宿死兀朮兵會諸道兵十餘萬造浮梁跨渭自
寶鷄結連珠營壘石為城夾澗與官軍相拒肘攻和尚原
玠命請將選勁弓強弩分番迭射彌駐隊矢連發不絕繁
如雨注敵稍却則以奇兵旁擊絕其糧道度其困且走設
伏于神垵以待金兵至伏發衆大亂縱兵夜擊大敗之兀
朮中流矢僅以身免函髻其鬚髯以遁張浚承制以玠為
鎮西軍節度使璘為涇原馬步軍副總管兀朮既敗遂自
河東歸燕山復以撒離喝為陝西經略使屯鳳翔與玠相
持二年命玠兼宣撫司都統制節制興文龍三州金久窺蜀

以璘駐兵和尚原扼其衝不得逞將出奇取之時玠在河
池金人用叛將李彥奇駐秦州覘僊人關以綴玠復令游
騎出熙河以綴關師古撒離喝自商于直擣上津三年取
金州二月長驅趨洋漢興元守臣劉子羽急命田晟守饒風
關以駟書招玠入援玠自河池日夜馳三百里至饒風以
黃柑遺敵曰大軍遠來聊用止渴撒離喝大驚以杖擊地
曰爾來何速耶遂大戰饒風崩金人披重鎧登山仰攻一
人先登則二人擁後先者既死後者代攻玠軍弓弩亂發
大石推壓如是者六晝夜死者山積而敵不退募敢死士
得士五千將夾攻會玠小校有得罪奔金者導以祖溪間
路出關背乘高以闕饒風諸軍不知遂潰敵入洋州玠邀

子羽 不可而留玠同守定軍山玠難之遂退保興元之西縣子羽亦焚興元退保大安之三泉縣撤離喝遂入興元至金牛鎮四川大震子羽從兵不滿三百與士卒取草木甲食之遺玠書訣別玠得書乃間道會子羽子羽留玠共守三泉玠曰關外蜀之門戶不可輕棄復往守僊人關子羽以潭毒山形斗拔其上寬平有水乃築壁壘方成而金人已至距營十數里子羽據胡床坐壘口諸將泣告曰此非待制坐處子羽曰子羽今日死于此敵尋亦引去時張浚欲移守潼川子羽遺書已在此金人必不南浚乃止金兵由斜谷北去鳳翔子羽玠謀邀于武林初子羽聞有金兵預徙梁洋之積及金人深入餽餉不繼殺馬及兩

河所僉軍士以食而子羽玠復腹背要擊死傷十五六疫痢且作乃引衆還子羽玠因出師其後金人墮溪澗死者不可勝計盡棄輜重而走餘兵不能自援者悉降子羽遂還興元金人始謀本謂玠在西邊故道險東來不虞玠馳至雖入三郡而失不償得而近玠檢校少保克利州路階成鳳州制置使_{四年}月敵復大入攻僊人關先是璘在和尚原饋餉不繼玠又謂其地去蜀遠命璘棄之經營先人關右殺金侵羽築一壘移原兵守之至是兀朮撤離喝及劉夔率十萬騎入倚自鍊山鑿崖開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠合敵首攻介營玠擊走之又以雲梯

攻壘壁揚攻以撞竿碎其梯以長矛刺之璘拔刀畫地諸將曰死則死退者斬金分兵為二兀木陣于東韓常陣于西璘率銳卒介其間左索右繞隨機而發戰久璘軍少憊急屯第二隘金生兵踵至人被重鎧鐵鈎相連魚貫而上璘以駐隊矢迭射矢下如雨死者層積敵踐而登撒離唱駐馬四視曰吾得之矣翼日命攻西北樓姚仲登樓酣戰樓傾以帛為繩挽之復正金人用火攻樓以酒缶撲滅之玠急遣田盛以長刀大斧左右擊明炬四山震鼓地動明日大出兵統領王喜王武分紫白旗入金營金陣亂奮擊射韓常中左目金人始宵遁玠遣統制官張彥劫橫山砦王俊伏河池扼歸路又敗之以郭震戰不力斬之是役也

金自元帥以下皆携弩乘劉夔乃豫之腹心本謂蜀可圖既不逞度玠終不可犯則還據鳳翔授甲士田為久留計自是不妄動捷聞授玠川陝宣撫使脣復鳳秦隴三川錄仙人關功拜檢校少師奉寧保定軍節度使璘自防禦使陞定國軍承宣使楊政以下遷秩有差軻兼營田大使易保平靜難節玠與敵對壘且十年常苦遠餉勞民屢汰冗負節浮費益治屯田歲收至十萬斛又調戍兵命梁洋守將治襄城廢堰民知灌溉可恃願歸業者數萬家年遷四川宣撫使陝西階城等州皆聽節制遣內侍奉親札以賜至則玠病已甚扶掖聽命帝聞而憂之命守臣就蜀求善醫且飭國工馳視未至玠卒於仙人關年四十七贈少師

賜錢三十萬玠善讀史凡往事可師者錄座右積久墻墉皆格言也用兵本孫吳務遠畧不求小近利故能保必勝御下嚴而有恩虚心詢受雖為大將卒伍至下者得以情達故士樂為之死選用將佐視勞能為高下先後不以親故權貴撓之玠死胡世問將玠所以制勝者璘曰璘從先兄有事西夏每戰不過一進卻之頃勝負輒分至金人則更進迭退忍耐堅久令酷而下必死每戰非日不決勝不遽追敗不至亂蓋自昔用兵所未嘗見與之角逐茲久乃得其情蓋金人弓矢不若中國之勁利中國士卒不若金人之堅耐吾常以長技洞重甲于數百步外則其衝突固不能相及於是選據形便出銳卒更迭撓之與之為無窮

使不得休暇以沮其堅忍之勢至決機於兩陣之間則璘有不能言者方富平之賜秦鳳皆陷金人一意睨蜀東南之勢亦急惟玠身當其衝無蜀久矣故西人至今思之

淳熙中追贈涪王

吳璘字唐卿玠弟也玠卒授璘神龍衛四廂都指揮使時
金人廢劉豫歸河南陝西地樓炤使陝以便宜欲命三陝
帥分陝而守以郭浩帥鄜延楊政帥熙河璘帥秦鳳欲盡
移川口諸軍於陝西璘曰金人反覆難信懼其有變今我
移軍陝右蜀口空虛敵若自南山要我陝右軍直擣蜀口
我不戰自屈矣當且依山為屯空其要害遠其情見力疲
漸圖進據炤從之命璘與楊政兩軍屯內地保蜀郭浩一
軍屯延安以守陝既而胡世將以四川制置權宣撫司事
至河池璘見之曰金大兵屯河中府隔大慶一橋耳騎兵
疾馳不五日至川口吾軍遠在陝西緩急不可追集關隘

不葺糧運斷絕此存亡之秋也璘家族固不足恤如國事
何時朝廷恃和忘戰欲廢仙人關于是世將抗奏謂當外
固歡和內脩守禦今日分兵當陝蜀相接近兵官賀仔謀
知撒離喝密謀日要入蜀不難棄陝西不顧三五歲南兵
必來主之道路吾已熟知一發取蜀必矣敵情如是萬一
果然則我當為伐謀之備仙人關未宜據廢魚關倉亦宜
積糧于是璘僅以牙校三隊赴秦州階成山砦戒諸將毋
得撒備世將尋真除宣撫置司池河軫金人敗盟詔璘節
制陝西諸路軍馬撒離喝渡河入長安趨鳳翔陝右諸軍
隔在敵後遠近震恐時揚政在鞏郭浩在廊延惟璘隨世
將在河池世將急召諸將議惟涇原帥田晟與揚政同至

叅謀官孫渥謂河池不可守欲退保仙人關璘厲聲折之
曰懦語沮軍可斬也璘請以百口保破敵世將壯之指所
居帳曰世將誓死于此乃遣渥之涇原命田晟以三千人
迎敵璘又遣姚仲拒于石壁砦敗之詔同節制陝西諸路
軍馬璘以書遺金將約戰金鶻眼郎君以三千騎衝璘軍
璘使李師顏以驍騎擊走之鶻眼入扶風復攻拔之獲三
將及女真百十有七人與金統軍胡盞戰郟家灣敗之復
秦州及陝右諸郡初胡盞與習不祝合軍五萬屯列家園
璘請討之世將問策安出璘曰新立壘陣法每戰以長鎗
居前坐不得起次最強弓次強弩跪膝以俟次神臂弓約
賊相搏至百步內則神臂先發七十步強併發次陣如之

凡陣以拒馬為限鐵鈎相連俟其傷則更代之遇更代則以鼓為節騎兩翼以蔽于前陣成而騎退謂之迭陣諸將始猶竊議曰吾軍其殲于此乎璘曰此古來伍令也軍法有之諸君不識爾得車戰餘意無出於此戰士心定則能持滿敵雖銳不能當也及與二酋遇遂用之二酋老于師據險自固前臨峻嶺後控臘家城謂我必不敢輕犯先一日璘會諸將問所以攻姚仲曰戰于山上則勝山下則敗璘以為然乃告敵請戰璘笑之璘夜半遣仲友王彥啣枚截坡約二將上嶺而發火二將上嶺寂無人聲軍已畢列萬炬齊發敵駭愕曰吾事敗矣習不祝善謀胡蓋善戰二酋異議璘先以兵挑之胡蓋果出塵戰璘以疊陣法更休

迭戰輕裘駐馬函麾之士殊死鬪金人大敗降者萬人胡蓋走保臘家城璘圍而攻之城垂破朝廷以驛書詔璘班師世將浩歎而已明竟割和尚原以與敵撒戍割地皆秦檜主之也璘剛勇喜大節略奇細讀史曉大義代兄為將守蜀二十餘年隱然為方面之重威名亞于玠高宗嘗問勝敵之術璘曰弱者出戰強者繼之高宗曰此孫臏之法三駟之法一敗而二勝也嘗著兵法二篇大略謂金人有四長我有四短當反我之短制彼之長四長曰騎兵日堅忍日重甲日弓矢吾集藩漢所長兼收而並用之以分隊制其騎兵以番休迭戰制其堅忍制其重甲則勁弓強弩制其弓矢以遠克近以強致弱則以步軍心左右翼以馬

軍為右左肘拒馬布兩肘之間至帖撥增損之不同則係乎臨機知兵者取焉王剛中嘗談劉錡之美璘曰信外有雅量無英槩天下雷同譽之恐不能當逆亮璘竊憂之剛中不以為然錡果無功以憂憤卒璘選諸將率以功有薦才者璘曰兵官非嘗試難知其才以小善進之則僥倖者獲至而邊人宿將之怠矣

孟珙字璞玉隨州棗陽人定嘉金犯襄陽駐團山父宗政時為趙方將被檄援棗陽臨陣嘗父子相失珙望敵騎中有素袍白馬者曰吾父也急麾騎軍突陣遂脫宗政以功補進勇副理宗即位初宗政招唐鄧蔡壯士二萬餘人號忠順軍命江海總之眾不安制置司以珙代海珙分其軍為三眾乃帖然紹定四年為京西兵馬鈐轄棗陽軍駐劄仍仍聽總三軍年六大元帥那顏侂盭追金主完顏守緒逼蔡檄珙戍鄂討金唐鄧行省武僊仙時與武天錫及鄧移刺瑗相倚角為金盡力欲迎守緒入蜀犯光化鋒剽甚天錫者鄧之農夫乘亂聚二十萬為邊患珙逼其壘一鼓拔之

壯士張子良斬天錫首以獻制置司檄珙問邊事珙曰金人若向呂堰則八千人為不少然須木查騰雲呂堰等砦受命節制乃可濟已而劉全雷去危兩部金人戰于夏家橋小捷有項金人犯呂堰珙喜曰吾計得矣亟命諸軍追擊呂堰進逼大河退逼山險砦軍四合金人棄輜重走瑗遣其部曲馬天章奉書請降得縣五馬軍千五百步軍萬四千珙入城瑗伏階下請死珙為之易衣冠以賓禮見初仙屯順陽為宋軍所撓退屯馬蹬金順陽令李英以縣降申州安撫張林以州降珙言歸附之人宜因其鄉土而使之耕因其人民而立之長少壯籍為軍俾自守才能者分以土地任以職使各招其徒以殺其勢制置司

七月仙愛
己酉

將劉儀領壯士三百降珙問仙虛實儀陳僊所據九砦其大砦石冗山以馬蹬沙窩砦山三砦蔽其前三砦不破石冗未易圖也若先破離金砦則王子山亦破石冗窩孤立三帥成禽矣珙翼日遣兵向離金盧秀執黑旗帥眾入砦金人不疑為宋軍乃分據巷道大呼縱火掩殺幾盡是夜壯士楊青等擣王子山砦護帳軍酣寢王建入帳中斬中將首囊佩之明平視之金小元帥也丙辰出師馬蹬遣樊文彬攻其前門成明等邀截西路一軍圍訖石烈一軍圍小總帥砦火燭天殺僂山積餘逸去者復為成明伏軍所得壯士老少凡二千三百來歸師還至于沙窩西與金人遇大捷是日三戰三尅未幾丁順等又破默候里砦珙召儀

曰此砦破板橋石穴必震女能為我招之乎儀曰晉德與
花腹王顯金鎮撫安威故舊招之必來迺遣德行儀又請
選婦人三百偽逃歸懷招軍榜以向珙從之威見德叙情
好甚歡介德往見顯顯即日以書乞降德復請珙遣劉儀
候之顯軍約五千猶未解甲珙令作榜撓陣入陣周視良
久去如素所撫循饗以牛酒皆醉飽歌舞珙料武仙將上
岵山絕頂窺伺令樊文彬詰旦奪岵山駐軍其下前當設
伏後遮路歸已而仙衆果登山及半文彬麾旗伏兵四起
仙衆失措枕籍崖谷山為之顛擒七百三十人棄鎧甲如
山薄暮珙進軍至小水儀還具言仙不欲降謀往商州依
險以守然老稚不願北去珙曰進兵不可緩夜漏十刻召

文彬等受方略明日攻石穴九砦兩葶葶食啓行晨至石穴
時積雨未霽文彬患之珙曰此雪夜擒吳元濟之時也策
馬直至石穴分兵進攻而以文彬往來給事自寅至巳力
戰九砦一時俱破武仙走追及於鮎魚砦仙望見易服而
遁復戰而銀葫蘆山軍又敗仙與五六奔追之隱不見降
其衆七萬人獲甲兵無筭還軍襄陽轉鄂州江陵府副統
制大元帥遣宣撫王檝約共攻蔡制置使謀于珙珙請以
二萬人行因命珙盡護諸將金兵二萬騎繇真陽橫山南
來珙鼓行而前金人戰敗卻走追至高黃陂斬首千二百
級倭盡遣鬼化咸沒荷過出阿悉三人來迓珙與射獵割
鮮而飲馳入其帳倭盡喜約為兄弟酌馬湏飲之金兵萬

人自東門出戰珙遮其歸路掩入汝河擒其裨偏八十有
七人得蔡降人言城中饑珙曰已窘矣當盡死而守以防
突圍珙與侂盜約南北軍毋相犯決堰水布虎落盜侂遣
萬戶張柔帥精兵五千人入城金人鈎二卒以往柔中流
矢如蝟珙麾先鋒救之挾柔以出撥發官宋榮不肅將斬
之衆下馬羅拜以請猶杖之黎明珙進逼石橋鈎致生俘
郭山戰少却金人突至珙躍馬入陣斬山以徇軍氣復張
殊死戰進逼柴潭立柵俘金人百有二斬首三百餘級翼
日命諸將奪柴潭樓諸軍魚貫而上金人又飾美婦人以
相蠱麾下張禧等以殺之遂拔柴潭樓俘其將士五百三
十有七人蔡人恃潭為固外即汝河潭高於河五六丈城

上金字號樓伏巨弩相傳下有龍人不敢近將士疑畏珙
召麾下飲再行曰柴潭非天造地設樓伏弩能及遠而不
可射近彼所恃此水耳決而注之涸可立待皆曰隄堅未
易鑿珙曰所謂堅者止築兩隄首耳鑿其兩翼可也潭果
決實以薪蒿遂濟師攻城擒其兩將斬之獲其殿前右副
點檢溫端磔之城下進逼土門金人驅其老稚熬為油號
人油砲人不堪其楚珙遣道士說止之端平元年五月黑氣壓
城上日無光降者言城中糧絕已三月鞍鞞敗鼓皆糜煮
且聽以老弱互食諸軍日以畜和芹泥食之又徃徃斬敗
軍全隊拘其肉以食故欲降者衆珙乃下令諸軍啣枚分
道運雲梯布城下配珙帥師向南門至金字樓列雲梯令

諸軍將聞鼓則進馬義先登趙榮繼之萬衆競登大戰城上殺其元帥兀林達及偏裨二百人開西門招倭盞入江海執其叅政張天綱以歸珙問守緒所在天綱曰城危時即取寶玉寘小室環以草蒲泣自經曰死便火我烟燄未絕珙與倭盞分守緒骨得金寶玉帶金銀印牌有差還軍襄陽擢建康府都統制制置司奏留珙襄陽兼鎮北軍都統制鎮北軍者珙所招中原精銳百戰之士萬五千餘人分屯灤北樊城新野唐鄧間俄合赴樞密院稟議帝問恢復對曰願陛下寬民力蓄人才以俟機會帝問和議對曰臣介冑之士當言戰不當言和賜資甚厚兼知光州又兼知黃州年珙至黃增埤浚隍蒐訪軍實邊民來歸者日以

千數為屋三萬間居之厚加賑恤又慮兵民雜處因高阜為齊安鎮淮二砦以居諸軍剗章家山毋家山兩堡為先鋒虎翼飛虎營兼主管管內安撫司公事節制黃蘄光信陽四郡軍馬大元兵攻蘄州珙遣兵解其圍又攻襄陽隋荆門郢守將皆委郡去復州施子仁死之江陵危急詔以江淮西遣援衆謂無踰珙者乃先遣張順渡江珙以全師繼之大元兵分兩路一攻復州一在枝江監利縣編筏窺江珙變易旌旂服色循環往來夜則列炬照江數十里相接又遣外弟趙武等共戰躬往節度破砦二十有四還民二萬嘉祐授鄂州諸軍都統制大元大將忒沒解入漢陽境大將口溫不花入淮甸蘄舒光守臣以州降合三郡人

馬粮械攻黃守王鑑江帥萬文勝戰不利珙入城軍民喜
曰吾父來矣駐帳城樓指畫戰守卒全其城斬逗遛者四
十有九人以狗御筆以戰功賞將士特賜珙金盃珙益以
白金五十兩賜之諸軍將士彌月苦戰病傷者相屬珙遣
醫視療士皆感泣升制置使兼知岳州廼檄江陵節制司
擣襄郢于是張浚復郢州頌順復荆門軍劉全戰于冢頭
戰於樊城戰于郎神山屢以捷聞正三年曹文鏞復信陽軍
劉全復樊城遂復襄陽全遣譚深復光化軍息蔡降珙命
以兵逆之得壯士百餘籍為忠衛軍初詔珙收復京襄珙
謂必得郢然後可以通餽饒得荆門然後可以出奇兵由
是指授方略發兵深入所至以捷聞珙略奏曰取襄不難

而守為難非將士不勇也非車馬器械不精也實在乎事
力之不給耳襄樊為朝廷根本今百戰而得之當加經理
如護元氣非甲十萬不足分守與其抽兵于敵來之後孰
若保此全勝上兵伐謀此不爭之爭也乃置先鋒軍以襄
郢歸順人隸焉諫謀報大元兵欲大舉臨江珙策必道施
黔以透湖湘請粟十萬石以給軍餉以二千人屯峽州千
人屯歸州忠衛舊將晉德自光化來歸珙獎用之珙弟瑛
以精兵五千駐松滋為夔聲援遣于德興增兵守歸州隘
口萬戶谷大元兵自隨闚江珙密遣劉全拒敵遣伍思智
以千人屯施州大元大將塔海并禿雪帥師入蜀踰八十
萬珙增置營砦分布戰艦遣張舉提兵間道抵均州防遏

大元兵度萬州湖灘施夔震動珙兄璟時為湖北安撫副使知峽州急以書謀備禦珙請于督府帥師西上璟調金鐸一軍迎拒歸州大亞砦劉義捷于巴東縣之清平村珙弟璋選精兵二千駐澧州防施黔路年珙條上流備禦宜為藩籬三層乞舟制副司及移關外都統一軍于夔任涪南以下江面之責為第一層備辰沅靖桂為第三層峽州松滋瀘各屯萬人舟師潁馬歸州屯三千人鼎澧沅辰靖各五千人郴桂各千人如是則江西可保又遣揚昂張謙往辰沅靖三州同守倅曉諭熟蠻講求思播施黔支徑以圖來上會謀知大元兵于襄樊隨信陽昭集軍民布種積船材于鄧之順陽乃遣張漢英任義出信陽焦進出襄分

路撓其勢遣王堅潛兵燒所積聚船材又度師必因糧于蔡遣張德劉整分兵入蔡火其積聚制拜四川宣撫使兼知夔州珙曰不擇險要立砦柵則難責兵以衛民不集流離安耕種則難責民以養兵乃立賞罰以課殿最俾諸司奉行之黎守閭師古言大理國請道黎雅入貢珙報大理自通邑廣不宜取道川蜀卻之兼夔路制置大使兼屯田大使軍兼宿儲珙大興屯田調夫築堰募農給種首秣歸尾漢口為屯二十為莊百七十為頃十八萬八千二百八十止屯田始末與所減券食之數降詔獎諭_{淳祐二年}淮東受兵樞密俾珙應援遣李德帥師精兵四千赴之珙子之經監軍謀知京兆府也可那延以騎兵三千經商州取鶻嶺

關出房州竹山遣王令屯江陵尋進屯郢州劉全屯沙市
焦進屯千人自江陵荆門出襄棧劉全齎十日糧取道南
漳入襄與諸軍合大元兵至三川珙下令應出戍主兵官
不許守棄寸土權開州梁棟乏糧請還 珙曰是棄城也
棟至夔州使高達斬其首以徇由是諸將稟令惟謹大元
兵至瀘洪命分司發兵應援遣張祥屯涪州珙言沅之險
不如辰靖之險不如沅三州皆當措置而靖尤急今三州
粒米寸兵無所從出此京湖之憂一江防上自秭歸下至
壽昌亘二千里自公安至峽州灘磧凡十餘處隆冬水涸
節節當防兵少備多此京湖之憂二今尺籍數虧既守灘
磧又守關隘此京湖之憂三陸抗有言荊州國之藩表如

其有虞非但失一郡當傾國爭之若非增兵八萬併力備
禦雖韓白更生無所展乃今日事勢大略相似利害至重
余玠宣諭四川道過珙珙以重慶積粟少餉屯田米十萬
石遣晉德帥師六千援蜀之經為策應司都統制年四無知
江陵府珙謂其佐曰政府未之思耳彼若以兵綴我上流
下流急將若之何珙往則彼擣吾虜不往則誰實捍患識
者是之詔京湖調兵五千戍安豐援壽春珙遣劉全將以
往繼有命分兵三千備齊安珙言黃州與壽昌三口隔一
水耳須兵即度何必預遣先一日則有一日之費無益有
損萬一上流有警我軍已疲非計之得也不從珙至江
陵登城歎曰江陵所恃三海不知沮洳有變為桑田者敵

一鳴鞭即至城外蓋自古嶺先鋒直至三汊無所限隔迺
修復內隘十有一別作十隘于外有距城數十里者沮漳
水舊自城西入江因漳而東之俾逸城北入于漢而三海
遂通為一隨其高下為匱蓄泄三百里間渺然巨浸土木
之工百七十萬民不知役繪圖上之珙以身鎮江陵而兄
璟帥武昌故事無兄弟同處一路者乞歸田不允詔以兵
五千援淮珙使張漢英帥之樞密調兵五千赴廣西珙遺
書執政曰大理至邕數千里部落隔絕今當擇人分布數
郡使之分治生夷險要形勢隨宜措置柵關屯兵積糧聚
芻於何地聲勢既張國威自振計不出此而聞風調遣空
費錢糧無補于事不大元大將大納至江陵遣揚全伏兵

荆門以戰珙先期謀知達于樞密檄兩淮為備兩淮不知也
後果如所報初珙招鎮北軍駐襄陽李虎王旻軍亂鎮北亦
潰乃厚招之降者不絕行省范用吉密通降款以所受告
身為質洪白于朝不從珙歎曰三十年收拾中原人今志
不克伸矣病遂革終於江陵府治時九月也是月朔大星
隕于境內聲如雷薨之夕大風發屋折木謚忠襄廟曰威
愛珙忠君體國之念可貫金石在軍中與叅佐部曲論事
言人人異珙徐以片折衷衆志皆愜謁士遊客老校退卒
一以恩意撫接名位雖重惟建鼓旂臨將吏而色凜然無
敢涕唾者退則焚香掃地隱几危坐若肅然事外遠偵色
絕滋味其學邃于易六十四卦各繫四句名警心易贊亦

通佛學自彌無庵居士

阿里海牙野訥事仁宗于潛邸大德九年仁宗奉聖興太后出居懷州從者單弱多懷去計野訥獨無所畏難成宗崩權臣阿附中宮不遣使告哀宗藩仁宗有聞將自懷州入京宮臣或持不可野訥屏人密啓天子晏駕而皇子已早卒天下無主邪謀方興懷寧王及殿下世祖裕皇賢孫人心所屬久矣宜急奉太母入定大計邪謀必止迎立懷寧王以正神器在此行矣仁宗即白后以二月至京師遂誅柄臣二人遣使迎武宗武宗即位召野訥賜玉帶仁宗居東宮兼太子右庶子仁宗仁即位拜同知樞密院事卒贈趙國公謚忠靖海牙亦早事武宗仁宗為宿衛出為平章政

事歷鎮江浙湖廣河南陝西四省皆有惠政汴人尤懷思之歸朝拜翰林學士承旨丁父憂解官家居

天曆元年秋

文宗

入承大統海牙即易服南迎至於汴郊見馬帝命腹鎮汴省時當艱難之際海牙高價糴粟以峙糧儲命近郡分治戎器閱士卒括馬民間以備不虞先是文宗即位之詔已播告天下而陝西官府結連靖安王等起兵東擊潼關海牙開府庫量出鈔二十五萬緡屬諸河南淮北蒙古軍都萬戶朶列圖軍河南以禦之今都鎮撫卜伯率軍吏巡行南陽高門武關荆子諸隘南至襄川二江之口督以嚴備萬戶博羅守潼關不能軍

是月二日十五日

只兒哈之兵突出潼關東掠閩鄉披靈寶盪陝州新安諸郡邑放兵四劫迤邐前

進河南告急狎至而朶列圖亦以兵寡為言十一月海牙集省憲官屬問以長策無有言者海牙曰汴南北之交使西人得至此則江南三省之道不通于畿甸軍旅應接何日息乎大事有緩急輕重今重莫如足兵急莫如足食吾徵湖廣之平陽保定兩翼軍與吾省之鄧新翼軍廬州沂邾砲弩手諸軍以備虎牢裕州鄧州兩軍以備武關荆子口以屬郡之兵及蒙古兩萬戶左右衛諸部丁壯之可入軍者給馬乘貨裝立行伍以次備諸隘芍陂等屯兵本自襄鄧諸軍來由者還其丁益以民之丁壯使守襄陽白土峽州諸隘別遣塔海以給備自蜀至者以汴汝荆楚兩淮之馬以給之府庫不則命郡縣假諸殷實之家安豐等郡之

粟溯黃河運至于陝糴諸汝近郡者則運諸滎陽以達于海牢吾與諸軍各奮忠義以從王事宜無不濟者衆曰唯命即日部分行事自伯顏不花王以下及省之屬吏與有官而家居者授以事而出庶訪使董守在南陽庶訪使伯顏在虎牢分遣兵馬以聽其調用餽餉之行千里相望阿里海牙親閱實之信以期會自虎牢之南至于襄漢無不畢給蓋為粟二十萬石豆如之兵甲五十五萬芻萬萬是時朝置行樞密院以總西事襄漢荆湖河南郡縣皆缺官海牙便宜擇材以處之朝廷皆從其請是月西兵逼河南行院使來報曰西人北行者度河中以趨懷孟磁南行者過武關掠鄧州而殘之直趨陽襄攻破郡邑三十餘橫絕

數千里所過殺官吏焚廬舍虜民人婦女財物賊虐殄盡西給蜀兵至矣海牙益督餉西行遣行縣官塔海領兵攻南行之兵而又設備於江黃置鐵繩于峽口作將鑑以待戰十九師與西兵遇于鞏之石渡而湖廣所徵大原兵

最為可用甫至未及食或趨之倍道以進轉戰及暮兩軍殺與墮澗谷死者相等而虎牢遂為敵有兵儲巨萬一旦悉亡馬行省院與諸軍斂兵退二時至汴民大恐海牙前後遣使告于朝輒為也先捏留不遣不得朝廷音問已二十日海牙亦憂之親出行撫其民乃修城闕以備衝突立門以通往來戒卒伍以嚴守衛時雖甚危海牙朝夕出入聲色不動怡然如平時衆賴以安六日一月西師逼城將百

里百近海牙召行院將帥憲司與凡在官者而告之曰荷國厚恩唯有一死以報上耳行院之出唯敵是圖而退保吾城不亦怯乎然敵亦烏合之衆何所受命而敢犯我乎且吾甲兵非不堅勁芻峙非不豐給而弗利者太平日久將校不知兵吏士不練習彼所以得披猖至此彼誠我知聖天子之命則衆沮而散爾何足慮乎吾今遣使告于朝請降詔大赦脇從誅誤比詔下先募士以即位詔及朝廷招諭之文入其軍明示利害君整大軍西嚮以征之別遣驍將率精騎數千上龍門繞出其後使之進無所投退無所歸成擒于鞏洛之間必矣而我軍所獲陝西官吏命有司羈而食之一無所戮衆曰唯諾命即日與行院整兵南

薰門外以行會有使者自京師還言齊王已克上都奉天子寶璽乘歸刻日至京矣海牙乃置酒高會于省堂以賀發書告屬郡報諸江南三省而募士得蘭住者賫書諭之西人猶傍掠蘭住信以其實而朝廷亦遣都月魯從十餘人奉詔放散西軍之在虎牢者西人殺其從者之半械都護以送諸荆王府荆王時在河南之白馬寺以是西人雖未解散各已駭悟又聞行省院以兵至猶豫不敢進朝廷又使叅政馮不花親諭之乃信服靖安王遣使四輩與蘭住來請命遂巡而去難平海牙乃解嚴報捷歛餘財以還民從陝西求民人之被俘掠者歸其家凡數千人陝西官吏被獲者皆遣還其所海牙自始至鎮迨乎告功居汴省

者數月後以功遷陝西行御史大夫復拜中書省平章政事

來阿八赤寧夏人父木速忽里歸太祖選居宿衛憲宗即位大舉伐宋攻釣魚山命諸將議進取之計述速忽里言于帝曰川蜀之地三分我有其二所未附者巴江以下數十州而已地削勢弱兵糧皆仰給東南故死守以抗我師蜀巖險重慶合州又其藩屏皆新築之城依險為固若頓兵堅城之下未見其利曷若城二城之間選銳卒五萬命宿將守之與成都日兵相出入不時擾之以牽置其援師然後我師乘新集之銳用降人為鄉導水陸東下破忠涪萬夔諸小郡平其城俘其民俟冬涸瞿塘三峽不日可下出荆楚與鄂州渡江諸軍合勢如此東南之事一舉可

定其上流重慶合州孤危無援不降即走矣諸將曰攻城則功在傾刻反以其言為迂卒不用于是博選宿衛中才力可任用者以阿八赤奉命往監元帥紐鄰軍遏宋人援兵駐重慶下流之銅羅峽江據厓為壘宋都統甘頤自夔州泝流西上乘舟來攻阿八赤預積薪于壘明火鼓譟矢石如雨順流而進宋人力戰不能支退保西岸斂兵自固黎明復至阿八赤身率精兵緣厓而下戰艦復進宋人敗走殺傷數千人帝聞而壯之憲宗崩阿八赤從父倍道歸燕世祖即位問以川蜀之事阿八赤歷陳始末誦其父前所言以對世祖撫掌曰當時若從此策東南其足平乎朕在鄂渚日望上流之聲勢耳至七年南征襄樊發河南北

器械糧儲悉聚於淮西之義陽慮宋人剽掠命阿八赤督運二日而畢十一年佩三珠虎符授益都等路宣慰使都元帥發兵萬人開運河阿八赤往來督視寒暑不輟有兩卒自傷其手以示不可用阿八赤檄樞密并行省奏聞斬之以懲不律運河既開遷膠萊海道漕運使二十二年皇子征南王征交趾授湖廣等處中書省右丞領中衛親軍千人翼導皇子至思明州賊阻險拒守于是選精銳與賊戰于女兒關斬馘萬計餘兵棄關走于是大軍深入進至交州陳日烜空其城而遁阿八赤曰賊棄巢穴而匿山海者意待吾之敵而乘之耳將士多北人春夏之交疫癘作賊弗就擒吾意不能持久矣今出兵分定其地招降納附

勿縱士卒侵掠急捕日烜此策之善者也時日烜屢遣使約降欲以賂緩我師諸將皆信其說且修城以居而待其至久之軍乏食日烜不降據竹洞安邦海口阿八赤率兵往攻之屢與賊遇晝夜迎戰賊兵敗遁會將士多疫不能進而諸蠻復叛所得關阨皆失守乃議班師選諸軍步騎命先啓行且戰且行日數十合賊據高險射毒矢將士累瘡以戰諸軍護皇子出賊境阿八赤中毒矢三首項股皆腫遂卒子寄僧為水達達屯田總管府達魯花赤乃顏叛戰于高麗雙城調萬軍達魯花赤平黎蠻有功

周法尚煬帝嗣位為定襄太守時帝幸榆林法尚朝于行宮內史令元壽言于帝曰漢武出塞旌旗千里今御營外請分為二十四軍日別遣一軍發相去三十里旗幟相望鉦鼓相聞首尾連注千里不絕法尚曰兵亘千里動聞千山谷卒有不虞四分五裂腹心有事首尾未知雖有故事此取敗道也帝不懌曰卿以為何如法尚曰請為方陣四面拒六宮及百官家口並住其間若有變當頭分拒車為壁壘設勾陳此與據城何異臣謂牢固萬全策也帝曰善因拜左武衛將軍

余玠字義夫蘄州人家貧落魄無行喜功名好大言少為
白鹿洞諸生嘗携客入茶肆毆賣茶翁死脫身走襄陽
時趙葵為淮東制置使玠作長短句上謁葵壯之留之
幕中淳祐元年玠提兵應按安豐升制置副使進對必使國人
上下事無不確實然後華夏率孚天人感格又言金世胄
之彥場屋之士田里之豪一或即指之為龕人斥之為
噲伍願陛下視文武之士為一勿令偏有所重偏必至于
激文武交激非國之福帝曰鄉人物議論皆不常可獨當
一面卿宜少留當有擢用乃授四川宣諭使帝從容慰遣
之玠亦自許當手挈全蜀還本朝其功日月可冀尋授四

川安撫制置使自

寶慶三年至淳祐二年

十六年間凡授宣撫三人

制置使九人副四人或老或暫或庸或貪或恠或繆或遙領而不至或開隙而各謀終無成績于是東西川無復統律遺民咸不聊生監司戎帥各專號令擅辟守宰蕩無紀綱蜀日益壞及聞玠入蜀人心粗定始有安之志玠大更敵政遴選守宰築招賢之館于府之佐供帳一如帥如居下令日集衆思廣忠益諸葛孔明所以用蜀也欲有謀以告我者近則徑詣公府遠則自言于郡所在以禮遣之高爵重賞朝廷不吝以報功豪傑之士趨期立事今其時矣士之至玠不厭禮接咸得其歡心言有可用隨其才而任之苟不可用亦厚遺謝之播州冉氏兄弟進璞有文武才

隱居蠻中前後閩帥辟召不起聞玠賢相謂曰是可與語矣遂詣府上謁玠素聞冉氏兄弟刺入即出見之與分廷抗禮賓館之奉冉安之若素有居數月無所言玠將謝之廼為設宴玠親主之酒酣坐客方紛紛竟言所長璉兄弟飲食而已玠以微言挑之卒默然玠曰是觀我待士之禮何如耳明日更闢別館以處之且日使人窺其所為兄弟終日對踞以堊畫地為山川城池之形起則漫去如是又旬請見玠屏人曰某兄弟辱明公禮遇思有以少裨益非敢同衆人也為今日西蜀之計其在涉合州城乎玠不覺躍起執其手曰此玠志也但未得其所耳曰蜀口形勝之地莫如釣魚山請徙諸此若任得其人積粟以守之賢于

十萬之師遠矣巴蜀不足守也玠大喜曰玠固疑先生非
淺士先生之謀玠不敢掠以歸已遂不謀于衆密以其謀
聞于朝請不次官之詔以璉為承事郎權發遣合州璉為
承務郎權通判州事悉以任之命下一府皆誼然同辭以
為不可玠怒曰城成則蜀賴以安不成玠獨坐之請君無
預也卒築青居大獲釣魚雲頂天生凡十餘城皆因山為
壘碁布星分為諸郡治所屯兵聚糧為必守計且誅潰將
以肅軍令又移金戎于獲以護蜀口移沔戎于青居興戎
先駐合州舊城移守釣魚共備內水移利戎于雲頂以備
外水于是如臂使指氣勢聯絡又屬嘉定俞興開屯田于
成都蜀以富實十年玠率諸將巡邊直擣興元大元兵與

之大戰十三年又大戰于嘉定初利司都統王夔素殘悍踴
王夜叉恃功驕恣桀驁不受節度所至劫掠每得富家穴
箕加頸四面然箕謂之暮蝕月以弓繫鼻下高懸于格謂
之錯擊喉縛人兩股以木交壓謂之乾榨油以至用錯灌
鼻惡水灌耳口等毒虐非一以脇取金帛稍不遂意即死
其手蜀人患苦之且悉歛部將倅馬以自入將戰迺高其
估賣與之朝廷雖知其不法在遠不能詰也大帥處分少
不曉其意則百計撓之使不得有所為玠至嘉定夔帥所
部兵迎謁才羸弱二百人玠曰久聞都統兵精今疲弊若
此殊不稱所望夔對曰夔兵非不精所以不敢即見者恐
驚從人耳頃之班聲如雷江水如沸聲止圓陣即合旂幟

精明器械森然沙上之人彌望若林立無一人敢亂行者
舟中皆戰掉失色而玠自若也徐命吏班賞有差夔退謂
人曰儒者乃有此人玠久欲誅夔獨患其握重兵居外恐
輕動危蜀謀於親將楊成成曰夔在蜀久所部兵精前時
大帥夔皆勢出其右意不止此也視侍郎為文臣必不肯
甘心從令今縱弗誅養成其勢後一舉足西蜀危矣玠曰
我欲誅之久矣獨患其黨與衆未發耳成曰侍郎以夔在
蜀久有威名孰與吳氏夔固弗若也夫吳氏當中興危難
之時能百戰以保蜀傳之四世恩威益張根本益固蜀人
知有吳氏而不知朝廷一旦曦為畔逆諸將誅之如取孤
豚况夔無吳氏之功而曦之逆心恃豨突之勇敢慢法度

縱兵殘民奴視同列非有吳氏得人固也今誅之一夫
之力耳待其發而取之難矣玠意遂決夜召夔計事潛以
成代領其衆夔纔離營而新將已單騎入矣將士皆愕眙
相顧不知所為成以帥指譬曉之遂相率拜賀夔至斬之
成因察其所與為惡者數人稍稍以法誅之乃薦成為文
州刺史戎帥欲舉統制姚世安為代玠素欲革軍中舉代
之故以三千騎至雲頂山下遣都統金 徃代世安世安
關閉不納且有危言然常疑玠圖已屬丞相謝方叔家子
姪自永康避地雲頂世安厚結之求方叔為援方叔因倡
言玠失利戎之心非我調停且旦夕有變又陰嗾世安密
求玠之短陳于帝前于是世安與玠抗玠鬱鬱不樂

聞有召命愈不自_安一夕暴卒或謂仰藥死蜀之人莫不悲慕如失父母玠之治蜀也任都統張實治軍旅安撫王惟忠治財賦監簿朱文煥接賓客皆有常度至於修學養士輕徭以寬民力薄征以通商賈蜀既富實乃罷京湖之餉邊關無警又撤東南之戍自寶慶以來蜀閩未有能及之者惜其遽以太平自詫進蜀錦蜀箋過于文飾夕假便宜之權不顧嫌疑昧於進退遂來纜賊之口而又置機捕官雖足以廉得士情然寄耳目于羣小虛實相半故人多懷疑懼至于世安拒命玠威名頓挫齎志以沒有子曰如孫取當如孫仲謀之義遭論改師忠歷大理寺丞為賈似道所殺

拖雷太祖第四子太宗母弟也方太祖崩時太宗留霍博之地國事無所屬拖雷實身任之聞燕京賊盜白晝殺掠富民財物吏不能禁遂遣撒合里往窮治之殺十有六人

盜始屏息

夏

太宗還京即位

秋

明年

太宗伐金命拖雷率

師以從破天成堡拔蒲城縣聞金平章合達守西邊遂渡河攻鳳翔會前兵戰不利從太宗拔合達乃退

明年

破洛

陽河中諸城太宗還官山大會諸侯王謂曰人言耗國家者實由寇敵今金未殄寶我敵也諸君寧無計乎拖雷進曰臣有愚計非衆可聞太宗屏左右亟臨問之其言秘人莫知也鳳翔既下有降人李昌國者言金主遷汴所恃者

黃河潼關之險爾若出寶鷄入漢中不一月可達唐鄧金人聞之寧不謂我師從天下乎拖雷然之言于太宗太宗大喜語諸王大臣曰昔太祖嘗有志此舉今拖雷能言之真賽日也賽日猶華言大好云遂大發兵太宗以中書軍自碗子城南下度河由洛陽進幹陳那顏以左軍由濟南進而拖雷總右軍自鳳翔渡渭水過寶鷄入小潼涉宋人之徑泐漢水而下期以明年春俱會於汴遣使詣宋假且約合兵宋殺使者拖雷大怒曰彼昔遣苟夢玉來通好遽自食言背盟乎乃分兵攻宋諸城堡長驅入漢中進襲四川陷閬州過南部而還遂由金取房前鋒三千人破金十餘萬於武當山趨均州乘騎浮渡漢水遣夔曲涅率千騎

馳白太宗太宗方詣漢水將分兵應之會曲夔涅至即遣慰諭拖雷亟合兵馬拖既渡漢金大將合達設伏二十餘于鄧州之西據隘以待之時拖雷兵不滿四萬及得諜乃悉留輜重輕騎以進十二月及金人戰于禹山佯北以誘之金人不動拖雷舉火夜行金合達聞其且至退保鄧州攻之三日不下遂將而北以三千騎命扎刺等率之為殿明旦大霧迷道為金人所襲殺傷相當未幾敗金軍壬辰春合達等知拖雷已北合步騎十五萬躡其後拖雷按兵遣將誘之日暮令軍中曰毋令彼得休息宜夜鼓譟以擾之太宗時亦渡河遣親王口温不花等將萬餘騎來會天大雨雪金人僵凍無人色幾不能軍拖雷即欲擊之諸將請

俟太宗至破之未晚拖雷曰機不可失脫入城未易圖也况大敵在前敢以遺君父乎遂以奮擊于三峰山大破之追奔數十里流血被道資仗委積金之精銳盡于此矣餘衆迸走睢州伏兵起又敗之合達走均州僅遺數百騎太宗尋至按行戰地顧謂拖雷曰微汝不能致此捷也諸侯王進曰誠如聖諭然拖雷之功着在社稷盖又指其定冊云從太宗攻鈞州拔之獲合達攻許州又拔之遂從太定收定河南諸郡四由半渡入真定過中都出北口住夏于官山薨年四十有子十一人長憲宗次則世祖也憲宗立追謚曰英武皇帝廟號睿宗年合祭昊天后土以太祖睿宗配享世宗二年改謚景襄皇帝

于謹字思敬沈深有識量略窺經史尤好孫子兵書屏居未有仕進志或有勸之者謹曰州郡之職昔人所鄙台鼎之位須待時來太宰元天穆見之歎曰王佐才也及破六韓拔陵首亂北境引蠕蠕為援太行臺討之夙聞謹名辟為鎧曹叅軍事從軍北伐蠕蠕逃出塞篡令謹追之前後十七戰盡降其衆後率輕騎出塞覘賊屬鐵勒數千騎奄至謹以衆寡不敵乃散其騎使匿叢薄間遣人升山指揮若分部軍衆賊望見雖疑有伏恃衆不以為慮乃進逼謹謹以常乘駿馬一紫一騮賊先所識乃使二人各乘一馬突陣而出賊以為謹爭逐之乃率餘軍擊其追騎賊走因

得入塞正光四年行臺廣陽王元深北伐引謹為長流叅軍謹請馳往喻賊謹解諸國語乃單騎入賊示以恩信于是西部鐵勒酋長也列河等三萬餘戶並款附相率南遷廣陽與謹至析鄆嶺迎之接謹曰拔陵兵衆不少聞也列河等餌之當竟來抄掠然後設伏而待必指掌破之廣陽然其計拔陵果來要擊破也列河于嶺上部衆皆沒謹伏兵發賊大敗悉破收也列河之衆後從尔朱天光與齊神武戰于韓陵山天光敗謹遂入關周文帝臨夏州以謹為夏州長史及賀拔岳被害周文赴平涼謹言於周文曰關中秦漢舊都古稱天府今若據其要害招集英雄足觀時變且天子在洛逼迫羣寇請都關右然後挾天子而令諸侯千

載一時也周文大悅會有敕追謹為關內大都督謹因進都關中策芒山之戰大軍不利謹率麾下偽降立于路左神武軍勝逐北不以為虞謹自後擊之敵人大駭獨孤信又收兵于後奮擊神武軍亂以此大軍得全針二拜尚書左僕射及侯景款附請兵為援謹諫景情難測周文不聽尋率兵鎮潼關加授華州刺史恭帝元年除雍州刺史初梁元帝于江陵嗣位密與齊交通將謀侵軼其兄子岳陽王譽時為雍州刺史以梁元帝殺其兄譽遂結隙據襄陽來附乃命謹出討周文餞於青泥谷長孫儉曰為蕭絳計將如何謹曰曜兵漢眊席卷渡江直據丹陽是其上策移鄆內居人退保子城以待援至是其中策若難于移動據守

羅郭是其下策儉曰裁絳出何策謹曰必用下儉曰何也對曰蕭氏保據江南綿歷數紀厲中原有有故未遑外略又以我有齊氏之患必謂力不能分且絳懦而無謀多疑少斷愚人難與慮始皆戀邑居既惡遷移當保羅郭所以用下策謹令中山公護及大將軍楊忠等先據江津斷其歸路梁人樹柵于外城廣輪六十里尋而謹至悉衆圍之旬有六日外城遂陷梁主退保子城翼日率其太子以下面縛出降尋殺之虜其男女十餘萬人收其府庫珍寶得宋渾天儀梁日晷銅表魏相風烏銅螭趺大玉徑四尺圍七尺及諸輿葦法物以獻軍無私焉立蕭答為梁主振旅而旋謹自以久當權重功名既立願保優閑乃上先所

乘駿馬及所著鎧甲等周文識其意曰巨猾今未平公豈得便爾獨善遂不受六官兼拜大司寇及周文崩孝閔尚幼中公護雖受顧命而名位素下羣公各圖報政護深憂之密訪於謹謹曰夙蒙丞相殊眷今日必以死爭之若對衆定策公必不得讓明日羣公會議謹曰昔帝室傾危丞相志存匡救今上天降禍奄棄百寮嗣子幼雖而中山公親則猶子而愛兼顧託國軍大事理須歸之辭色抗厲衆皆悚動護曰此是家事護何有辭謹既周文等夷護每申禮敬至是謹乃起而言曰公若統理軍國謹等便有所依遂再拜羣公迫于謹亦拜衆亦始定卒年七十六謚曰文

河間元王孝恭少沈敏有識量高祖已定京師詔拜山南
招尉大使徇巴蜀下三十餘州進擊未破之俘其衆諸
將曰粲徒食人摯賊也請阮之孝恭曰不然今烈城皆吾
寇若獲之則殺後詎有降者乎悉縱之繇是騰檄所至輒
下朝拜信州總管承制得拜假當是時蕭銑據江陵孝恭
數進策圖銑帝嘉納以信州拜為夔州乃治舟艦肄水戰
會李靖使江南孝恭倚其謀遂圖江陵盡召巴蜀首領子
弟收用之外示引擢而內實質也俄進荆湘道總管統水
陸十二軍發夷陵破銑二鎮縱戰艦放江中諸將曰得舟
當濟吾用棄之反資賊柰何孝恭曰銑之境南際嶺左薄

洞庭地險士衆若城未拔而援至我且有內外之憂舟雖多何所用之今銑瀕江鎮戍見艦舳蔽江下必謂銑已敗不即進兵覘候往返以引救期則吾既拔江陵矣已而救兵到巴陵見船疑不進銑內外阻絕遂降帝悅遷荊州大總管詔圖破銑狀以進孝恭治荆為治屯田立銅冶百姓利之嶺表未平乃遣分使者緩輯安慰其款附者四十有九州朝廷號令暢南海矣未幾輔公拓反寇壽陽詔孝恭為行軍元帥討之引兵趨九江李靖李勣盧祖尚皆稟節度將發大饗士枯水變為血坐皆失色孝恭自如徐曰禍福無基唯所召爾願我不負於物無重諸君憂公招禍惡貫盈今伏威靈以問罪枯中血乃賊臣投首之祥乎盡飲

罷衆心為安公拓將馮惠亮等拒險邀我孝恭堅壁不出遣奇兵絕饒道賊饑夜薄營孝恭卧不動明日使羸兵壘挑之祖尚選奇兵陣以待俄而兵卻賊追北且囂遇祖尚軍薄戰遂大敗惠亮退保梁山孝恭乘勝破其別鎮賊赴水死者數千計公拓窮棄丹陽走騎窮追生禽之進授揚州大都督孝恭拒賊北自淮東包江渡嶺而南盡統之欲以威重夸遠俗乃築第石頭城陳廬徵自衛或誣其反召還頗為憲司鐫詰既無狀赦為宗正卿賜實封千二百戶歷涼州都督晉州刺史貞觀為禮部尚書改王河間性奢豪後房歌舞妓百餘然寬恕退讓無矜伐色太宗用是親重之宗室莫比也嘗謂人曰吾所居頗壯麗非吾心也當

別營一區令粗足事而已吾歿後子也才易以守不才不
為他人所利射四中歎暴薨年五十帝哭之慟贈司空揚
州都督及謚陪塋獻陵始隋亡盜賊徧天下皆太宗身自
討定謀臣驍帥並隸麾下無特將專勳者惟孝恭獨有方
面功以自見云

張遼鴈門馬邑人也本聶壹之後以避怨變姓少為郡吏
漢末并州刺史丁原以遼武力過人召為從事將兵詣京
都何進遣詣河北募兵得千餘人還進敗以兵屬董卓卓
敗以兵屬呂布布為李傕所敗從布東奔徐州曹操破呂
布於下邳遼將其衆降拜中郎將數有戰功遷裨將軍袁
紹破別遣遼定魯國諸縣與夏侯淵圍昌豨于東海數月
糧盡議引軍還遼謂淵曰數日以來每行諸圍豨輒屬目
視遼又其射矢更稀此必豨計猶豫故不力戰遼欲挑與
語儻可誘也乃使謂豨曰公有命使遼傳之豨果下與語
遼為說曹操神武方以德懷四方先附者受大賞豨乃許

降遼遂单身上三公山入豨家拜妻子豨歡喜隨詣操操遣豨還責遼曰此非大將法也遼謝曰以明公威信著于四方遼奉聖旨豨必不敢害故也從征素尚于柳城卒與虜遇遼勸操戰氣甚奮操壯之自以所持麾授遼遂擊大破之斬單于蹋頓時荊州未定復遣遼屯長杜臨發軍中有謀反者夜驚亂起火一軍盡擾遼謂左右曰勿動是不一營盡反必有造變者欲以動亂人耳乃令軍中其不反者安坐遼將親兵數十人中陣立有頃定即得首謀者殺之陳蘭梅成以氏六縣叛操遣于禁臧霸等討_臧遼督張郃朱蓋等討蘭成偽降禁還成遂將其衆就蘭轉入瀟山瀟山有天柱山高峻二十餘里道險狹步徑裁通蘭等

辟其上遼欲進諸將白兵少道險難用深入遼曰此所謂一與一勇者得前耳遂進到山安營攻之斬蘭成首盡虜其衆操論將功曰登太山履險峻以取蘭成盪寇功也增邑假節操既征孫權還使遼與樂進李典_進將七千餘人屯合肥操征張魯教與護軍薛悌署 邊曰賊至乃發俄而權率十萬衆圍合肥乃共發教教曰若孫權至者張李將軍樂將軍守護軍勿得與戰諸將疑遼曰公遠征在外比救至彼破我必矣是以教指及其未合遂擊之折其盛勢以安衆心然後可守也成敗之機在此一戰諸君何疑李典與遼同于是遼夜募敢從之士得八百人推牛饗將士明日大戰平旦遼被甲持戟先登陷陣殺數十人斬二

將大呼自名衝壘入至權麾下權大驚衆不知所為走登
高冢以長戟自守遼叱權下戰權不敢動望見遼所將兵
少下數十得出餘衆嗚呼曰前將軍棄我乎遼復還突圍
拔出餘衆權人馬皆披靡無敢當者自旦戰至日中吳人
奪氣還修守備衆心乃安諸將咸服權守合肥十餘日城
不可拔乃引退遼率諸軍追擊幾復獲權操大壯遼拜征
東將軍建安十一年操復征孫權到合肥循行遼戰處歎息者
良乃增遼兵多留諸軍徙屯居巢關羽圍曹仁于樊會權
稱藩召遼及諸軍悉還救仁遼未至徐晃已破關羽仁圍
解遼與操會摩陂遼軍至操乘出輦勞之還屯陳郡卒謚
曰剛侯文帝追念遼典在合肥之役遼典以步卒八百破

賊十萬自古用兵未之有也使賊至今奪氣可謂國之牙
爪矣其分遼典邑各百戶賜一子爵關內侯

周瑜字公瑾廬江舒人也瑜長壯有姿貌初孫堅興義兵討董卓徙家于舒堅子策與瑜同年獨相友善瑜推道南大宅以舍策升堂拜母有無通共瑜從父尚為丹陽太守瑜往省之會策將東渡到歷陽馳書報瑜瑜將兵迎策策大喜曰吾得卿諧也遂從攻橫江當利皆拔之乃渡擊稜破笮融薛禮轉下姑孰江乘進入曲阿劉繇奔走而策之衆已數萬矣因謂瑜曰吾以此衆取吳會平山越已足卿還鎮丹陽頃之素術遣從弟胤代尚為丹陽太守而瑜與尚俱還壽春術欲以瑜為將瑜觀術終無所成故求為居巢長欲假塗東歸術聽之遂自居巢還吳自歲建安三年也策

親自迎瑜授建威中郎將即與兵三千人騎五十疋瑜時年二十四吳中皆呼為周郎以瑜恩信著於廬江出備牛渚後領春穀長項之策欲取荊州以瑜為中護軍領江夏太守從攻皖救之時得喬公兩女皆國色女也策自納大喬瑜納小喬復進尋陽破劉勲討江夏還定豫章廬陵留鎮巴丘五年策薨權統事瑜將兵赴喪遂留吳以中護軍與長史張昭共掌眾事曹公新破袁紹兵威日盛建安七年下書質子權召羣臣會議張昭秦松等猶豫不能決權意不欲遣質乃獨將瑜詣母前定議瑜曰昔楚國初封於荆山之側不滿百里之地繼嗣賢能廣土開境立基於郢遂據荆陽至於南海傳業延祚九百餘年今將軍承父兄餘資

兼六郡之眾兵精糧多士將用命鑄山為銅煮海鹽境內富饒人不思亂汎舟舉帆朝發夕到士風勁勇所向無敵有何逼迫而欲送質質一入不得不與曹氏相首尾與相首尾則命召不得不往便見制於人也極不過一侯印僕從十餘人車數乘馬數疋豈與南面稱孤同哉不如勿遣徐觀其變若曹氏能率義以正天下將軍事之未晚若圖為暴亂兵猶火也不戢將自焚將軍韜勇拒威以待天命何質之有權母曰公瑾議是也公瑾與伯符同年小一月耳我視之如子也汝其兄事之遂不送質年十三曹操入荊州劉琮舉降降曹操得其水軍船步兵數十萬將士聞之皆恐懼延見羣下問以計策議者咸曰曹操豺虎也然托

名漢相挾天子以征四方動以朝廷為辭今日拒之事更不順且將軍大勢可以拒曹操者長江也今操得荆事奄有其地劉表治水軍蒙衝鬪艦乃以千數操悉以浮江兼有步兵水陸俱下此為長江之險已與我共之矣而勢力衆寡又不可論愚謂大計不如迎之瑜曰不然操雖托名漢相其實漢賊也將軍以神武雄才兼仗父兄之烈割據江東地方數千里兵精足用英雄樂業尚當橫行天下漢家除殘去穢况操自送死而可迎之邪請為將軍籌之今使北土已安操無內憂能曠日持久來爭疆場又能與我較勝負于舟楫可乎今北土既未平安加馬超韓遂尚在關西為操後患且舍鞍馬仗舟楫與吳越爭衡本非中國

所長又今盛寒馬無藁草驅中國士遠涉江湖之間不習水土必生疾病此數四者用兵之患也而操皆冒行之將軍擒操宜在今日瑜得精兵三萬人進住夏口保為將軍破之權曰老賊欲廢漢自立久矣徒忌二袁劉表與孤耳今數雄已滅惟孤尚存孤與老賊勢不兩立君言當擊甚與孤合此天以君授孤也時劉備為曹公所破欲引南渡江與魯肅遇於當陽遂共圖計因進住夏口遣諸葛亮詣權權遂遣瑜及程普等與備并力逆曹操遇于赤壁劉備在樊口日遣邏吏于水次望候權軍吏望見瑜船馳往白備備遣人慰勞之瑜曰有軍任不可委署儻能屈威誠副其所望備乃乘騎單舸往問瑜曰今拒曹公深為得計戰

卒有幾瑜曰三萬人備曰恨少瑜曰此自足用豫州但觀瑜破之備欲呼魯肅等共會語瑜曰受命不得妄委若欲見子敬可別過之備深愧喜時曹操軍衆已有疾病初一交戰操軍敗退引次江北瑜等在南岫瑜部將黃蓋曰今寇衆我寡雖與持久然觀操軍方連船艦首尾相接可燒而走也乃取衝蒙鬪艦數十艦實以薪草藁油灌其中裹以帷幕上建牙旗先書報曹操欺以欲降又豫備走舸各繫大船後因引次俱前曹操軍吏士皆延頸觀望指言蓋降蓋放諸舸同時發火時風猛盛悉燒岫上營落項之煙炎漲天人馬燒溺死者甚衆軍遂敗退還保南郡備與瑜等復共追曹操留曹仁等守江陵城徑自北歸瑜與程普

又進南郡與仁相對各隔大江兵未交鋒瑜即遣甘寧前據夷陵仁兵騎別攻圍寧告急于瑜瑜用呂蒙計留凌統以守其後身與蒙上救寧寧圍既解乃渡屯北岫克期大戰瑜親跨馬躒陣會流矢中右脇瘡甚便還後仁聞瑜卧未起勤兵就陣瑜乃自興按行軍營激揚吏士仁由是遂退權拜瑜偏將軍領南郡太守以下雋漢昌劉陽州陵為奉邑屯據江陵劉備以左將軍荊州牧治公安備詣京見權瑜上疏曰劉備以梟雄之姿而有關羽張飛熊虎之將必非久屈為人用者愚謂大計宜徙備置吳盛為築宮室多其美女玩好以娛其耳目分此二人各置一方如瑜者得挾與攻戰大事可定也今猥割土地以資業之聚此

三人俱在疆場恐交龍得雲雨終非池中物也權以曹公在北方當廣學英雄又恐備難卒制故不納是時劉璋為益州牧外有張魯寇侵瑜乃詣京見權曰今曹操新折衄方憂在腹心未能與將軍連兵相事也乞與奮威俱進取蜀得蜀而并張魯因當奮威固守其地好與馬超結援瑜還與將軍據襄陽以威操北方可圖也權許之瑜還江陵為行裝而道于巴丘病卒時年三十六權素服舉哀感慟左右喪當還吳又迎之蕪湖衆事費度一為供給後著令曰故將軍周瑜程普其有人客皆不得問初瑜見友于策太妃又使權以兄奉之是時權位為將軍諸將賓客為禮尚簡而瑜獨先盡敬便執臣節性度恢廓大率得人惟

與程普為不睦普數以年長陵侮瑜瑜折節容下終不與校普後自敬服而親愛之乃告人曰與周公瑾交若飲醇醪不覺自醉時人以其謙讓服人如此初曹公聞瑜年少有美才謂可游說動也乃密下揚州遣九江蔣幹往見瑜幹有儀容以才辯見稱獨步江淮之間莫與為對乃布衣芻巾自託私行詣瑜瑜出迎之立謂幹曰子翼良苦遠涉謂曹氏作說客耶幹曰吾與足下州里中間別隔遙聞芳烈故來叙濶并觀雅規而云說客無乃逆詐乎瑜云吾雖不及夔曠聞絃賞音足知雅曲也因延幹入為設酒食畢遣之曰適有密事且出就館事了別自相請後三日瑜請幹與周觀營中行視倉庫軍資器仗訖還宴飲示之侍者

服飾珍玩之物因謂幹曰犬處世遇知之主外託君臣之
義內結骨肉之恩言計從禍福共之假使蘇張更生酈叟
復出猶其背而折其辭豈足下幼生所能移乎幹但笑終
無所言幹還稱瑜高致雅量非言辭所間也中州之士亦
以此多之劉備自京還也權乘飛雲大船與張昭秦松魯
肅十餘人共追送之大宴會聚別昭肅等先出權獨與備
留語因言次歎曰公謹文武籌略萬人之英顧其器量廣
大恐不久為人臣耳瑜之破魏軍也曹公曰孤不羞走後
書與權曰赤壁之役值有疾病燒船自退橫使周郎虛獲
此名瑜威聲遠著故曹操劉備咸欲疑譖之及卒權流涕
曰公瑾有王佐之資今忽短命孤何賴哉後權稱尊號謂

公卿曰孤非周公謹不帝矣瑜少精意於音樂雖三爵之
後其有闕誤瑜必知之知之必願故詩人謠曰曲有誤周
郎顧

陸遜吳人也孫權為將軍遜年二十二始仕幕府拜定威
校尉軍屯利浦權以兄策女配遜數訪世務遜建議曰方
今英雄基峙豺狼闖望克敵寧亂非衆不濟而山寇舊惡
依阻深地夫腹心未平難以圖遠可大部伍取其精銳權
納其策以為帳下右都督會丹陽賊帥費棧受曹公印綬
扇動山越為作內應權遣遜討棧棧支黨多而住兵少遜
乃益施牙幢分布鼓角夜潛山谷間鼓譟而前應時破散
部伍東三不彊者為兵弱者補戶得精兵數萬人宿惡
盪除所過肅清還屯蕪湖會稽太守淳于式表遜枉取民
愁擾所在遜後詣都言次稱佳吏權曰式白君而君薦之

何也遜對曰式意欲養民是以白遜若遜復毀式以亂聖聽不可長也權曰此誠長者之事願人不能為耳呂蒙稱疾詣建業遜往見之謂曰關羽接境如何遠下後不當可憂也蒙曰誠如來言然我病篤遜曰羽矜其饒氣陵轢於人始有大功意驕志逸專務此進未嫌於我有相聞病必益無備今出其不意自可禽制不見至尊宜好為計蒙曰羽勇猛既難為敵且已據荊州恩信大行無始有功膽勢益盛未易圖也蒙至都權問誰可代卿者蒙對曰陸遜意思深長才堪負重觀其規慮終可大任而未有遠名非羽所忌無復是過若用之當令外自韜隱內察形便然後可克權乃召遜拜偏將軍右都督代蒙遜至陸口書與羽曰

前承觀釁而舉以律行師小舉大克一何巍巍敵國敗績利在同盟聞慶附節想遂席卷共獎王綱近以不敏受任東西延墓光塵思稟良規又曰于禁等見獲遐邇欣歡以為將軍之勲足以長世雖昔晉文城濮之師淮陰拔趙之略茂以尚矣茲聞徐晃等步騎駐旌闕望麾葆操猾虜也忿不思難恐潛增衆以逞其心雖云師老猶有驍悍且捷戰之後常苦輕敵古人伏術軍勝彌警願將軍廣為方計以全獨克僕書生疏遲忝所不堪喜鄰威德樂自傾盡雖未合衆猶可懷也儻明注仰有以察之羽覽遜書有謙下自託之意意大安無復所嫌遜具啓形狀陳其可禽之要權乃潛軍而上使遜與呂蒙為前部至即克公安南郡遜

徑進領宜都太守拜撫邊將軍封華亭侯備宜都太守樊
友委郡走諸城長吏及蠻夷君長皆降遜請金銀銅以假
授初附是歲建安二十四年也黃武元年備率大衆來向西界權

命遜為大都督假節督朱然潘璋宋謙韓當徐盛鮮于丹
孫桓等五萬人拒之備從巫峽建平連圍至夷陵界立數
十里以金錦爵賞誘動諸夷使將軍馮習為大督張南為
前部輔匡趙融廖淳傅彤等各為別督先遣吳班將數千
人平地立營欲以挑戰諸皆欲擊之遜曰此必有譎且觀
之備知其計不可乃引伏兵八千從谷中出遜曰所以不
聽諸君擊班者揣之必有巧故也遜上疏曰夷陵要害國
之關險雖為易得亦復易失失之非徒損一郡之地荊州

可憂今日爭之當令必諧備干天常不守窟穴而敢自送
死臣雖不材憑奉威靈以順討逆破壞在近尋備前後行
軍多敗少成推此論之不足為戚臣初嫌之水陸俱進今
反舍舟就步處處結營察其布置必無他變伏願至尊高
枕不以為念也諸將皆曰攻備當在初今乃令入五六百
里相銜持經柵八月其諸要害皆以固守擊之必無利矣
遜曰備是猾虜更嘗事多其軍始集思慮精專未可干也
今住已久不得我便兵疲意沮計不復生倚角此寇正在
今日乃先攻一營不利諸皆曰空殺兵耳遜曰吾已曉破
之之術乃勅各持一把茅以火拔之一耳勢成通率諸軍
同時俱攻斬張南馮習及胡王沙摩柯等首破其四十餘

營備將杜路劉寧窮迫請降備升馬鞍山陳兵自繞遜督
促諸軍四面蹙土崩瓦解死者萬數備因夜遁驛人自擔
燒鎧斷後僅得入白帝城其舟船器械水步軍資一時略
尸骸漂流塞江而下備大慙恚曰吾乃為遜所辱豈非天
邪初孫桓別討備鋒於夷道為備所圍求救于遜遜曰孫
安東公族見圍已困柰何不救遜曰安東得士衆心城牢
糧足無可憂也待吾計展欲不救安東安東自解及才略
大施備果奔潰桓後見遜曰前實恐不見救定至今日乃
知調度自有方耳當禦備時諸將或自孫策時舊將或公
室貴戚各自矜恃不相聽從遜按劍曰備天下知名曹操
所憚今在境界此彊對也諸君並荷國恩當相輯睦前此

虜上報所受而不相順也非所謂也僕雖書生受命主上
國家所以屈諸君使相承望者以僕有尺寸可稱能忍辱
故也各任其事豈復得辭軍令有常不可犯矣及至破備
計多出遜諸將乃服權聞之曰君何不啓諸將違節度者
邪遜對曰受恩深重任過其才又此諸將或任心腹或堪
爪牙或是功名皆國家所當與共克定者臣雖駑懦竊慕
相如寇恂相下之義以濟國家事權大笑稱善又備既往
白帝徐盛潘璋宋謙等各覓表言備必可禽乞復攻之權
以問遜遜與朱然駱統以為曹丕大合士衆外託助國討
備內實有姦心謹決計輒還無幾魏軍果出三方受敵也
備尋病亡子禪襲位諸葛亮秉政與權連和時事所宜權

輒令遜與亮 并刻權印以置遜所權每與禪亮書常過
示遜輕重可否有所不安便令改定以印封行之權欲遣
偏師取夷州及朱崖皆以諮遜遜上疏曰臣愚以為四海
未定當須民力以濟時務今兵興歷年見衆減損陛下憂
勞聖慮忘寢與食將遠規夷州以定大事臣反覆思惟未
見其利萬里襲取風波難測民易水土必致疾疫今驅見
衆經涉不毛欲益更損欲利反害又珠崖絕險民猶禽獸
得其民不足濟事無其兵不足勵衆今江東見衆自足圖
事但當蓄力而後動耳昔桓王創業兵不一旅而開大業
陛下承運拓定江表臣聞治亂討逆須兵為威農桑衣食
民之本業而干戈未戢民有饑寒臣愚以為宜育養士民

寬其租賦衆克在和義以勸勇則河渭可平九有一統矣
權遂征夷州得不補失及公孫淵背盟權欲往征遜上疏
諫嘉禾五年權北使與諸葛瑾攻襄陽遜遣親人韓扁齎奉表
報還遇敵於沔中鈔邏得扁瑾聞之甚懼書與遜云大駕
已旋賊得韓扁具知吾濶狹且水乾宜當急去遜未荅方
當有以自來見遜遜曰賊知大駕已旋無所復感得專力
於吾又已守要害之處兵將意動且當自定以安之施設
變術然後出耳今便示退賊當謂吾怖仍來相感必敗之
勢也乃密與瑾立計令瑾督舟船遜悉上兵馬以向襄陽
城敵素憚遜遽還赴城瑾引船出遜徐整部伍張拓聲聲

步趨船敵不敢干軍到白圍託言往獵潛遣將軍周峻張
梁等擊江夏新市安陸石陽市盛峻等奄至人皆捐物入
城城門噎不得關敵乃自斫殺已民然後得闔斬首獲生
凡千餘人其所生得皆加營護不令兵士干擾侵侮將家
屬來者使就料視若亡其妻子者即給衣糧厚加慰勞發
遣令還或有感慕相攜而歸者鄰境懷之江夏功曹趙濯
弋陽備將裴生及夷王梅願等並帥支黨來附遜遜傾財
帛周贍綏恤又魏江夏太守逮式式領兵馬頗作邊害而
與北舊將文聘子休宿不協遜聞其然即假作荅式書云
得云報懇惻知與休久結嫌隙勢不兩存欲來歸附輒已密
呈來書表聞 衆相迎宜潛速嚴更示定期以書置界上

式兵得書以見式惶懼遂自送妻子還洛由是吏士不復
親附遂以免罷赤年烏代願雍為丞相先是二宮並闕中外
職司多遣子弟給侍全琮報遜遜以為子弟苟有才不愁
不用不宜私出以要榮利若其不佳終為取禍且聞二宮
勢敵必有彼此此古人之厚忌也琮子寄果阿附魯王輕
為交構遜書與琮曰卿不師日殫而宿留阿寄終為足下
門戶致禍矣琮既不納更以致隙及太子有不安之義遜
上疏陳太子正統宜有盤石之固魯王藩臣使當寵秩有
差彼此得所上下獲安謹叩頭流血以聞書三四上及求
請都欲口論適庶之分以匡得失既不聽許而遜外生顧
譚願承姚信並以親附太子枉見流徙太子太傅吾粲坐

數與遜交書下獄死權累遣中使責讓遜遜憤志致卒時
年六十三家無餘財初暨豔造營府之論遜諫戒之以為
必禍又謂諸葛恪曰在我前者吾必奉之同升在我下者
則扶持之今觀君氣陵其上意蔑乎下非安德之基也又
廣陵楊竺少獲聲名而遜謂之終敗勸竺兄穆令與別族
其先覩如此

呂蒙字子明汝南富陂人也少南度依姊夫鄧當當為孫
策將數討山越蒙年十五六竊隨當擊賊當顧見大驚呵
叱不能禁止歸以告蒙母母恚欲罰之蒙曰貧賤難可居
晚誤有功富貴可致且不探虎穴安得虎子母哀而舍之
侍當職吏以蒙年小輕之曰彼豎子何能為此欲以肉餒
虎耳他日與蒙會又蚩辱之蒙大怒引刀殺人吏出走逃
邑子鄭長家因校尉袁雄自首承問為言策召見奇之引
置左右數歲鄧當死張昭薦蒙代當拜別部司馬權統事
料諸小將兵少而用薄者欲并合之蒙陰賂貫兵為作絳
衣行 及簡日陳列赫然兵人練習權見之大悅增其兵

甘寧前據夷陵曹仁分衆圍寧寧困急使使請救諸將以兵少不足分蒙謂周瑜曰當凌公績蒙與君行解圍釋急勢亦不久蒙保公績能十日守也又說瑜分遣三百人柴斷險道賊走可得馬瑜從之軍到夷陵即日文戰所殺過半敵遁去行遇柴道騎皆舍馬步兵追蹙擊獲馬三百匹方船載還於是將士形勢自倍乃渡江立屯與相攻擊曹仁退走遂據南郡撫定荊州還拜偏將軍領尋陽令魯肅代周瑜當之陸口過蒙屯下肅意尚輕蒙或說肅曰呂將軍功名日顯不可以故意待也君宜顧之遂往詣蒙酒酣蒙問肅曰君受重任與關羽為鄰將何計略以備不虞肅造次應曰臨時施宜蒙曰今東西雖為一家而關羽實熊

虎也計安可不豫定也因為肅畫五策肅於是越席就之附其背曰呂子明吾不知卿才略所及乃至於此也遂拜蒙母結友而別從權拒曹公於濡須權欲作塢諸將皆曰上岍擊賊洗足入船何用塢為呂蒙曰兵有利鈍戰無百勝如有邂逅敵步騎蹙人不暇及水其得入船乎權曰善遂作之曹公不能下而退曹公遣朱光為廬江太守屯皖大開稻田又令閒人招誘鄱陽賊帥使作內應蒙曰皖田肥美若一收熟彼衆必增如是數歲操態見矣宜早除之乃具陳其狀於是權親征皖蒙乃薦甘寧為升城督督攻在前蒙以精銳繼之侵晨進攻蒙手執袍鼓士卒皆騰踴自升食時破之既而張遼至夾口聞城已拔乃退是時劉

備令關羽鎮守專有荆土權命蒙西取長沙零桂三郡蒙
移書二郡望風歸服惟零陵太守郝普城守不降而備自
蜀親至公安遣羽爭三郡權時住陸口使魯肅將萬人屯
益陽拒羽而飛書召蒙使舍零陵急還助肅初蒙既定長
沙當之陵零過鄢載南陽鄧玄之玄之者郝普之舊也欲
令誘普及被書當還蒙秘之夜召諸將授以方略晨當攻
城顧謂玄之曰郝子太聞世間有忠義事亦欲為之而不
知時也左將軍在漢中為夏侯淵所圍關羽在南郡今至
尊身自臨之近者破樊本屯救鄢逆為孫規所破此皆目
前之事君所親見也彼方首尾倒懸救死不給豈有餘力
復營此哉今吾士卒精銳人思致命至尊遣兵相繼於道

今子以旦夕之命待不可望之救猶牛蹄中魚冀賴江漢
其不可恃亦明矣若子太必能一士卒之心保孤城之守
尚能稽延旦夕以待所歸者可也今吾計力度慮而以攻
此曾不移日而城必破城之後身死何益於事而令百歲
老母戴白受誅豈不痛哉度此家不得外問謂援可恃故
至於此耳君可見之為陳禍福玄之見普具宣蒙意普懼
而聽之玄之先出報蒙普尋後當至蒙豫勅四將各選百
人普出便入城守門須臾普出蒙迎執其手與俱下船語
畢出書示之因拊手大笑普見書知備在公安羽在益陽
慚恨入地蒙留孫河委以後事即日引軍赴益陽劉備請
盟權乃歸普等割湘水以零陵還之魯肅卒蒙西屯陸口

肅軍人馬萬餘盡以屬蒙與關羽分土境知羽驍雄有兼
并心且居國上流其勢難久初肅等以為曹公尚存禍難
始搆相宜輔協與之同仇不可失也蒙乃密陳計策曰今
征虜守南郡潘璋住白帝蔣欽將兵萬人循江上下應敵
所在蒙為國家前據襄陽如此何憂於操何賴於羽且羽
君臣矜其詐力所在反覆不可以服心待也今羽所以未
便東向者以至尊聖明蒙等尚存也今不於強壯時圖之
一旦僵仆欲復陳力其可得邪權深納其策又聊復與取
徐州意蒙對曰今操遠在河北新破諸袁撫集幽冀未暇
東顧徐土守兵聞不足言往自可克然地勢陸通驍騎所
聘至尊今日得徐州操後旬必來爭雖以七八萬守之猶

當懷憂不如取羽全據長江形勢益張權尤以此言為當
及蒙代肅初至陸口外倍修恩厚與羽結好後羽討樊留
兵將備公安南郡蒙上疏曰羽討樊多留備兵必恐蒙圖
其後故也蒙常有病乞分士衆還建業以治疾為名羽聞
之必徹備兵盡赴襄陽大軍浮江晝夜馳上襲其空虛則
南郡可下而羽可禽也遂稱病薦權乃露檄召蒙還陰與
圖計羽果信之稍徹兵以赴樊魏使于禁救樊羽盡禽禁
等人馬數萬託以糧乏擅取相關米權聞之遂行先遣蒙
在前蒙至尋陽盡伏其精兵艍艦中使白衣搖櫓作商賈
人服晝夜兼行至羽所置江邊屯候盡收縛之是時羽不
聞知遂到南郡士仁麋芳皆降士仁在公安拒守令麋翻

翻至城門謂守者曰吾欲與汝將軍語仁不肯相見乃為書曰明者防禍於未萌智者圖患於將來知得知失可與為人知存知亡足別吉凶大軍之行斥候不及施烽火不及舉此非天命必有內應將軍不先時時至又不應之獨守縈帶之城而不降死戰則毀宗滅祀為天下譏笑呂虎威欲徑到南郡斷絕陸道生路一塞案其地形將軍為在箕舌上耳奔走不得免降則失義竊謂將軍不安幸熟思焉仁得書流涕而降翻謂蒙曰此譎兵也當將仁行留兵備城遂將仁至南郡南郡太守糜芳城守蒙以仁示之遂降初南郡城中失火頗焚燒軍器羽以責芳芳內畏懼權聞而誘之芳潛相和及蒙攻之乃以牛酒出降蒙入城盡

得羽及將士家屬皆撫慰約令軍中不得干歷人家有所求取蒙麾下士是汝南人取民家一笠以覆官鎧官鎧雖公蒙猶以為犯軍令不可以鄉里故而廢法遂垂泣而斬之於是軍中震慄道不拾遺蒙旦暮使親近存恤耆老問所不足疾病者給醫藥饑寒者賜衣糧羽府藏財寶皆閉封以待權至羽還在道路數使人與蒙相聞蒙輒厚遇之其使周游城中家家致問或手書示信羽人還私相叅訊咸知家門無恙見待過於平時故羽吏士無鬪心會權尋至羽自知孤窮乃走麥城西至漳鄉衆皆委羽而降權使朱然潘璋斷其路徑即父子俱獲荊州遂定卒年四十二蒙少不修書傳每陳大事常口舌為戕䟽常以部曲事為

江夏太守蔡遺所白蒙無恨意及豫章太守顧邵卒權問
所用蒙因薦遺奉職准吏權笑曰君欲為祁奚耶於是用
之甘寧寵暴好殺既嘗失蒙意又時違權令權怒之蒙輒
陳請天下未定鬪將如寧難得容忍之權遂厚寧卒得其
用權與陸遜論周瑜魯肅及蒙曰公瑾雄烈膽略無人遂
破孟德開拓荊州邈焉難繼公瑾昔要子敬來東致達於
孤孤與宴語便及大略帝王之業此一快也後孟德獲劉
琮之勢張言方率數十萬衆水陸俱下孤普請諸將咨問
所宜無適先對至子布文表具言宜遣使修檄迎之子敬
即駁言不可勸孤急呼公瑾付任以衆逆而擊之此二快
也且其決計策意出蘇張遠矣後雖勸吾借玄德地是其
一短不足以損其二長周公不求于一人故孤忘其短而
貴其長常以此方鄧禹也又子明少時孤謂不辭劇易果
敢有膽而已及身長大學問開益籌略奇至可以次于公
瑾但言議英發不及之耳圖取關羽勝於子敬子敬荅孤
書云帝王之起皆有驅除羽不足忌此子敬內不能辨外
為大言耳孤亦恕之不苟責也然其作軍屯營不失令行
禁止部署無負路無拾遺其法亦美也

羊祜字叔子泰山南城人也蔡邕外孫司馬昭為大將軍徵拜中書侍郎高貴公卿在位以少帝不願為侍臣求出補更徙秘書監鍾會有寵而忌祜亦憚之及會誅拜相國從事中郎與荀勗共掌機密遷中領軍悉統宿衛入直殿中執兵之要事無內外武帝受禪以佐命之勲進號中軍將軍帝將有滅吳之志以祜為都督荊州事祜率營兵出鎮南夏開設庠序綏懷遠近甚得江漢之心與吳人開布大信降者欲去皆聽之時長吏喪官後人惡之多毀壞舊府祜以死生有命非由居室書下征鎮晉加斷吳石城守禁去襄陽七百餘里每為邊害祜患之竟以詭計令吳罷守

於是戍邏減半分以懇田八百餘頃大獲其利祐之始至也軍無百日之糧及至季年有十年之積詔罷江北都督置南中郎將以所統諸軍在漢東江夏者皆以益祐在軍嘗輕裘緩帶身不被甲鈴閣之下侍衛者不過十數人而頗以畋漁廢政常欲夜出司軍徐胤執祭當營門曰將軍都督萬里安可輕脫將軍之安危亦國家之安危也胤今日若死此門乃開耳祐改容謝之此後稀出矣祐以益獻營武牢而鄭人懼晏弱城東陽而萊子服乃進據險要開建五城收膏腴之地奪吳人之資石城以西盡為晉有自是前後降者不絕乃增修德信以懷柔初附慨然有吞并之心每與吳人交兵剋日方戰不為掩襲之計將帥有欲

進譎詐之策者輒飲以醇酒使不言人有略吳二兒為俘者祐遣送還其家後吳將夏詳邵顛等來降二兒之父亦率其屬與俱吳將陳尚潘景來寇祐追斬之羨其死節而厚加殯歛景尚子弟迎喪祐以禮遣還吳將鄧香掠夏口祐募生縛香既至宥之香感其恩甚率部曲而降祐出陣行吳境刈穀為糧皆計所侵送絹償之每會衆江河遊獵常止晉地若禽獸先為吳人所傷而為晉兵所得者皆封還之於是吳人翕然悅服稱為羊公不之名也祐與陸抗相對使命交通抗稱祐之德量雖樂毅諸葛孔明不能過也抗嘗病祐饋之藥抗服之無疑心人多諫抗抗曰羊祐豈醜人者時談以為華元子反復見於今日抗每告其戍

曰彼專為德我專為暴自是不戰而自服也各保分界而已無求細利孫皓聞二境交和以詰抗抗曰一邑一鄉不可以無信義况大國乎臣不如此正是彰其德於祐無傷也祐初以伐吳必藉上流之勢又時吳有童謠曰阿童復阿童銜刀浮渡江不畏岷上獸但畏水中龍祐聞之曰此必水軍有功但當思應其名者耳會鹽州刺史王濬徵為大司馬祐知其可任濬又小字阿童因表留濬又監益州諸軍事加龍驤將軍密令修舟楫為順流之計祐繕甲訓卒廣為戎備至是上疏曰先帝應順時西平巴蜀南和吳會海內得以休息兆庶有樂安之心而吳復背信使邊事更興夫期運雖天所授而功業必由人而成不一大舉掃

滅則衆役無時得安亦所以隆先帝之勲成無為之化也故堯有丹朱之伐舜有三苗之征咸以寧靜宇宙戢兵和衆者也蜀平之時天下皆謂吳當并亡自此來十三年是謂一周平定之期復在今日矣議者嘗言吳楚有道後復無禮先強此乃諸侯之耳當今一統不得與古同諭夫適道之論皆未應權是故謀之雖多而決之欲獨凡以險阻得存者謂所敵者同力足自固苟有輕重不齊強弱異勢則智士不能謀而險阻不可保也蜀之為國非不險也高山尋雲霓深谷肆無景束馬懸車然後得濟皆言一夫荷戟千人莫當及進兵之日曾無藩籬之限斬將奪旗伏尸數萬乘勝殲卷徑至成都皆鳥棲而不敢出非皆無戰心

誠力不足相抗至劉禪降服諸營堡者索然俱散今江淮之難不過劔閣山川之險不過岷漢孫皓之暴侈於劉禪吳人之困甚於巴蜀而大晉兵衆多於前世資儲器械盛於往時今不於此平吳而更阻兵相守征夫苦役日尋干戈經歷盛衰不可長久宜當時定以一四海今若引梁益之兵水陸俱下荆楚之衆進臨江陵平南豫州直指夏口徐揚青兗並向秣陵鼓旆以疑之多方以誤之以一隅之吳當天下之衆勢分形散所備皆急巴漢竒兵出其空虚一處傾壞則上下震蕩吳緣江為國無有內外東西數千里以藩籬自持所敵者大無有寧息孫皓恣情任意與下多忌名臣重將不復自信是以孫秀之徒皆畏逼而至將

疑於朝士困於野無有保世之計一定之心平常之日猶懷去就兵臨之際必有應者終不能齊力致死已可知也其俗急速不能持久弓弩戟楯不如中國唯有水戰是其所便一入其境則長江非復所固還保城池則去長入短而官軍懸進人有致節之志吳人戰於其內有憑城之心如此軍不踰時尅可以矣帝深納之會秦涼屢敗祜復表曰吳平則胡自定但雷速濟大功耳而議者多不同祜歎曰天下不如意恒十居七八故有當斷不斷天與不取豈非更事者限於後時執祜歷職二朝任典樞要政事損益皆諮訪焉勢利之求無所關與其嘉謀讜議皆焚其草故世莫聞凡所進達人皆不知所由或謂祜慎密太過者

祐曰是何言歟夫入則造膝出則詭辭君臣不密之誠吾
惟懼其不及不能舉賢取異豈能不愧知人之難哉且拜
爵公朝謝恩私門吾所不取祐女夫嘗勸祐有所營置令
有歸戴者可不美乎祐默然不應退告諸子曰此可謂知
其一不知其二人臣樹則背公是大惑也汝宜識吾此意
嘗與從弟琇書曰既定邊事當角巾東路歸故里為容棺
之墟以白士而居重位何能不以盛滿而受責乎踈廣是
吾師也祐樂山林每風景必造峴山置酒言詠終日不倦
嘗慨然歎惜願謂後事中心郎鄒湛曰自有宇宙便有此山
由連贖勝士登此遠望如我與卿者多矣皆淹滅無聞
使人悲傷如百歲後有知魂魄猶應登此也湛曰公德冠

四海道嗣前哲令聞令望必與此山俱傳至若湛輩乃
當如公言耳祐嘗討吳賊有功將進爵土乞以賜舅子
蔡襲關內侯邑三百戶會吳人寇弋陽江夏略戶口詔遣
侍臣移祐不追討之意并欲移州復舊之宜祐曰江夏去
襄陽八百里比知賊問賊去亦已經日矣步軍方往安能
救之哉勞師以免責恐非事宜也昔魏武帝置都督類皆
與州相近以兵勢好合惡離疆場之間一彼一此慎守而
已古之善教也若輒徙州賊出無常亦未知州之宜所據
也使者不能詰祐寢疾求入朝及侍坐面陳伐吳之計帝
以其病不宜常入遣中書令張華問其籌策祐曰今主上
有禪代之美而功德未著吳人虐政已甚可不戰而尅混

一六合以興文教則主齊堯舜臣同稷契為百代之盛孰如之若孫皓不幸而沒吳人更立其主雖百萬之衆長江未可而越也將為後患乎華深贊其成計祐謂華曰成吾志者子也帝欲使祐卧護諸將祐曰取吳不必須臣自行但既平之後當勞聖慮耳功名之際臣所不敢居勞事了當有所付受願審擇其人疾漸篤乃舉杜預自代尋卒時年五十八帝素服哭之甚哀是日大寒帝淚涕沾鬚髣皆為冰焉南州人征市日聞祐喪莫不號慟罷市巷哭者聲相接吳守邊將亦為之泣其仁德所感者此初文帝崩祐謂傳玄曰三年之喪雖貴遂服自天子達而漢文除之毀禮傷義常以歎息今主上天縱至孝有魯閔之性雖奪

其服實行喪禮喪實行除服何為耶若因此而革漢魏之薄而興先王之法以啟風化垂美百代不亦善乎玄曰漢文以末世淺薄不行國君之喪故因而除之除之數百年一旦復古難行也祐曰不能使主上如禮且使主上遂服不猶善乎玄曰主上不除而天下除此為但有父子無復君臣三綱之道虧矣祐乃止祐所著文章及為老子傳並行於世襄陽百姓于峴山祐平游憇之所建碑立廟歲時享祭焉望其碑者莫不流涕杜預因名墮淚碑荊州人為祐諱名屋室皆以門為稱改名戶曹為辭曹焉

Vertical columns of text, likely bleed-through from the reverse side of the page. The text is faint and difficult to read.



